

ՇՔԱՆՇԱՆՆԵՐԻ ՀԱՆՁՆՈՒՄ ՄԱՅՐ ԱԹՈՌ ՍՈՒՐԲ ԷԶՄԻԱԾՆՈՒՄ

Դեկտեմբերի 2-ին Մայր Աթոռ Սուրբ Էջմիածնի Գևորգյան Հոգևոր Ճեմարանի հանդիսությունների դահլիճում տեղի ունեցավ շքանշանների հանձնման հանդիսություն: Ն.Ս.Օ.Տ.Տ. Գաբեգին Բ Ծայրագույն Պատրիարք և Ամենայն Հայոց Կաթողիկոսի բարձր տնօրինությամբ Հայաստանյայց Առաքելական Սուրբ Եկեղեցուն բերած իրենց ծառայությունների համար «Ազգ» օրաթերթի գլխավոր խմբագիր տիար Հակոբ Ավետիքյանը պարգևատրվեց «Ս. Սահակ - Ս. Մեսրոպ», իսկ տիար Լևոն Սարգսյանը՝ «Ս. Ներսես Շնորհալի» պատվո բարձր շքանշաններով:

Հանդիսությունը բացվեց Մայր Աթոռի դիվանապետ Տ. Արշակ եպիսկոպոս Խաչատրյանի ողջույնի խոսքով: Ապա «Էջ Միածինն ի Հօրե» շարականի երգեցողության ներքո դահլիճ բերվեցին Հայրապետական Սրբատառ Կոնդակները, որոնք ընթերցեցին Մայր Աթոռի միաբաններ Տ. Փառեն եպիսկոպոս Ավետիքյանը և Տ. Անուշավան եպիսկոպոս Ժամկոչյանը:

Պրն Հակոբ Ավետիքյանին տրված կոնդակում ի մասնավորի ասվում է. «...Հայրենի մեր Երկրի գորացմանն ու առաջընթացին Ձեր կարողությունները ներդնելու պատրաստակամությունը առաջնորդեց Ձեզ Հայրենիք, որտեղ Տիրոջ օրհնության ներքո շարունակում եք հարստացնել ազգօգուտ և եկեղեցաշեն Ձեր վաստակը: Ահավասիկ, շուրջ տասնհինգ տարիներ են անցել ծանր ու դժվարին այն օրերից, երբ Դուք Ձեր գաղափարակից ընկերների հետ հիմնադրեցիք «ԱԶԳ» օրաթերթը: Այսօր ուրախ ենք նշելու, որ «ԱԶԳ»-ը իր ուրույն տեղն ունի մեր երկրի լրատվամիջոցների մեջ և գնահատված է բոլոր ընթերցողների կողմից: Թերթը և նրա աշխատակիցներից շատերն արդարորեն արժանացել են միջազգային և հայրենական տարբեր մրցանակների, իսկ Դուք, որպես գլխավոր խմբագիր՝ «Մովսես Խորենացի» պետական բարձր պարգևի: Առանձնակի գոհունակություն է Մեզ համար, որ «ԱԶԳ»-ը հոգևոր կյանքին նվիրված հետաքրքիր հրապարակումներով մշտապես խրախուսում ու քաջալերում է բարեպաշտ հայորդյաց հավատարմությունը առ Հայոց Եկեղեցին ու հավատի մեր սուրբ օրրան Մայր Աթոռ Սուրբ Էջմիածինը»:

Պրն Լևոն Սարգսյանին տրված Հայրապետական կոնդակում ասվում է. «...Տարիներ շարունակ Դուք ի սպաս եք դնում Ձեր կարողությունները՝ հանուն Հայրենի մեր Երկրի գորացմանն ու առաջընթացի և հավատավոր մեր ժողովրդի բարօրության: Երկար տարիներ դիվանագիտական աշխատանք իրականացնելով Միջինասիայում, Դուք մեծ ավանդ եք բերել բարեկամ այդ երկրի հետ Հայաստանի հարաբերությունների առավել գորացմանը և Հայրենիք-Միջուռք կապերի ամրապնդմանը:

Միջինասիայում պաշտոնավարելու ընթացքին Դուք մեծ արդյունավորությամբ աջակցել եք նաև Դամասկոսի հայոց թեմի առջև ծառացած խնդիրների հաղթահարմանը և Հայրենիքից հեռու բնակություն հաստատած հայորդիների ազգային և եկեղեցական

ԱՄԵՐԻԿԱՆ ՆԱԽԱՐԱՐՈՒԹՅԱՆ ՆԻՍՏԱԳԱՂՏԵՐԻ
ՄԱՍԻՆԻՆԻՍՏԱՆԻ ՊԱՐԳԱՆՈՒԹՅԱՆ ՆԱԽԱՐԱՐՈՒԹՅԱՆ





ԳԱՐԵԳԻՆ Բ ՎԵՆԱՓԱՌ ՆԱՅՐԱՊԵՏԸ «Ս. ՆԵՐՍԵՍ ՇՆՈՐՀԱԼԻ»
ՇՔԱՆՇԱՆՈՎ ՊԱՐԳԵՎԱՏՐՈՒՄ Է ՆԱԿՈՒ ԱՎԵՏԻՔՅԱՆԻՆ



ԳԱՐԵԳԻՆ Բ ՎԵՆԱՓԱՌ ՆԱՅՐԱՊԵՏԸ «Ս. ՆԵՐՍԵՍ ՇՆՈՐՀԱԼԻ»
ՇՔԱՆՇԱՆՈՎ ՊԱՐԳԵՎԱՏՐՈՒՄ Է ԼԵՎՈՆ ՍԱՐԳՍՅԱՆԻՆ

կյանքի շինությանն ու պայծառությանը, նրանց հոգիներում մեր սրբազան ժառանգության ու մայրենի լեզվի պահպանության հանդեպ նախանձախնդրությունը զորացնելու սրբազան առաքելությանը: Միրիահայ գաղութից ներս ծավալած Ձեր ազգոգուտ և եկեղեցաշեն գործունեությունը, որ արգասավորությամբ շարունակում էք նաև այսօր, արժանիորեն բերել է Ձեզ հարգանքը Դամասկոսի հայոց թեմի հոգևոր դասի և բարեպաշտ հավատացյալներին:

Գոհունակությամբ ենք անդրադառնում Միաձնաէջ Սուրբ Աթոռի շինությանն ու պայծառությանը մասնակցություն բերելու Ձեր ազնիվ պատրաստակամությանը: Ձեր մատուցած բազմաթիվ ծառայությունները, ի շարս որոնց՝ ձեռագիր Աստվածաշնչի ընծայաբերումը Մայր Աթոռիս ձեռագրատանը և երաժշտական գործիքների ապահովումը Հայորդյաց Տներին, որոնք արտահայտությունն են Ձեր հավատավոր և ազգասեր հոգու, անկեղծ ուրախություն են պարգևում Մեզ, որ էջմիածնասեր ոգին զորեղ է Ձեզ պես հայորդյաց սրտերում և ծնունդ է տալիս բարի իրագործումների»:

Կոնդակների ընթերցումից հետո Նորին Սրբությունը Հակոբ Ավետիքյանին և Լևոն Սարգսյանին հանձնեց Հայ Եկեղեցու պատվո բարձր շքանշանները:

Երախտագիտության խոսք ասացին նաև օրվա մեծարյալները: Լ. Սարգսյանն իր խոսքում մասնավորաբար կարևորեց Եկեղեցու և պետության միասնությունը. «Յուրաքանչյուր հայի համար Հայոց պետությունը չի կարող անջատված լինել Հայ Եկեղեցուց, որովհետև հայ լինել՝ նշանակում է քրիստոնյա լինել, նշանակում է պարտադիր կերպով ծառայել Եկեղեցուն, որովհետև մեր Եկեղեցին է, որ պետականության բացակայության երկար տարիների ընթացքում իր վրա էր վերցրել հայ ժողովրդի և՛ հոգևոր դաստիարակությունը, և՛ հոգևոր ու աշխարհիկ կառավարումը»:

Իր հերթին Հ. Ավետիքյանը նշեց, որ Երուսաղեմի հայոց վանքում իր ուսումնառության տարիների ընթացքում է խորապես ըմբռնել Եկեղեցու «զինվորյալ մանկունք» արտահայտությունը. «Զենքերը տարբեր են: Զենք կա, որ ձայն է հանում միայն, զենք կա, որ սպանում է, զենք կա, որ դաստիարակում է: Ես ընտրել եմ վերջինը և ինձ համարում եմ զինվորյալ մի մանուկ մեր Հայ Առաքելական Եկեղեցում՝ ծառայող նրան, հավատացող նրան: Հավատացող այն պատմական, կենսական գործունեությանը, որը մեր Եկեղեցին կատարում է մեր ազգի և մեր պետության համար»:

Հանդիսությունը եզրափակվեց Ն.Ս.Օ.Տ.Տ. Գաբեգին Բ Ծայրագույն Պատրիարք և Ամենայն Հայոց Կաթողիկոսի օրհնության խոսքով: «...Այսօր Մայր Աթոռ Սուրբ Էջմիածնում ուրախության օր է, որովհետև այսօր Մենք մեր Եկեղեցու երկու հավատավոր զավակներին արժանին մատուցեցինք՝ գնահատելով իրենց ծառայությունը և տարիների վաստակը: Նրանք իրենց կարողությունները ծառայեցրել են ազգին և Եկեղեցուն՝ զիտակցելով, որ մեկի ուժը մյուսի առավել զորացումն է, զիտակցել են, որ իրենք, որպես ազգի զավակներ, պարտավորություն ունեն իրենց ծառայությունը բերելու նաև Հայաստանյայց Առաքելական Եկեղեցուն, որը կատարել են արժանի ձևով: Այսօր Մեզ համար մեծ գոհունակություն է նրանց կուրծքը զարդարել մեր Եկեղեցու բարձր պարգևներով և Մեր գնահատանքը բերել նրանց», - ասաց Ամենայն Հայոց Հայրապետը: Նորին Սրբությունը մաղթեց մեծարյալներին, որպեսզի Տիրոջ հո-

վանավոր Աջը աջակից լինի նրանց, որ նույն նախանձախնդրությամբ ու եռանդով շարունակեն իրենց ծառայությունը բերել Հայրենիքին ու Մայր Եկեղեցուն:

Հանդիսության ընթացքում գեղարվեստական կատարումներով հանդես եկավ «Նավասարդ» երգչախումբը՝ խմբավարությամբ Ռուբեն Շարբաթյանի:

*ՄԱՅՐ ԱԹՈՌ ՍՈՒՐԲ ԷԶՄԻԱԾՆԻ
ՏԵՂԵԿԱՏՎԱԿԱՆ ՀԱՄԱԿԱՐԳ*